

**Su'aalo ku saabsan waaqica maanta jira.**

***Waxaa ka jawaabay: Cismaan Macallin Maxamuud***

**a- Maxay tahay daacadda ay ku leeyihiin dadka madaxweynayaasha ah ama waddamada xukuma, ahlu sunnuhu maxay ka aaminsan yihiin mas'alada ah in la adeeco ninka madaxweynaha ama amiirka ah, waa maxay manhajka ahlu sunnuhu?**

بِسْمِ اللَّهِ

Sheeku wuxuu ku jawaabay furfurashadii khubada xaajada ka dib:

sunnada Rasuulku ρ mowqif cad yay ka taagan tahay mas'aladaas ah qofkii xaakim ah oo muslim ah in la adeeco oo aan lagu khuruujin. Oo nusuusta Rasuulka ρ ka sugnaatay way ku tawaaturtay; waxay ka mid tahay nusuusta mutawaatirka ah oo shaki yar aanu ku jirin oo ahlu-cilmigu isku waafaqsan yihiin.

Haddaba, waxaa ka mid ah axaadiithta rasuulka ρ oo dadka madaxda u ah muslimiinta in la adeeco faraysay, xadiithkii Cibaadatu ibnu saamit ee ahaa:

دعانا النبي ρ فبايعناه فكان فيما أخذ علينا أن بايعنا على السمع والطاعة في منشطنا ومكرهنا وعسرنا ويسرنا وأثرة علينا وأن لا ننازع الأمر أهله إلا أن تروا كفرا بواحا عندكم من الله فيه برهان<sup>(1)</sup>.

Rasuulkaa noo yeeray markaasbaan la mubaayacoonnay, waxyaabihii uu nagula sharad-tamay waxaa ka mid ahaa in uu nagula mubaayacooday

(على السمع والطاعة في منشطنا ومكرهنا وعسرنا ويسرنا وأثرة علينا) in aan maqalno oo adeecno ninkii madaxda ahaa, ama markaa aan nashaad lahaanno oon firfircoonaanno oo mas'aladaas si fiican ugu soo jeedno ama aan dhibsanna ee; wixii na cusleynaaya iyo wixii noo fududba iyo haddii wax nagala keli noqdo; oo madaxtinnimadii qaar naloo diido; ama xoolihii muslinka ka dhexeeyay lala keli noqdo oo naloo diido in aan iska sabarno; oo daacadii aannaan ka bixin haddii xitaa saas ay nagu dhacdo.

1- (وأن لا ننازع الأمر أهله) iyo in aannan kula murmin oo aannaan ku qabsan madaxtinnimadii iyo xukunkii ninkii madaxda ahaa oo muslimka ahaa.

---

(1) - صحيح البخاري، باب قول النبي صلى الله عليه وسلم 2558/6، وصحيح مسلم برقم (1709).

2- (إلا أن تروا كفرا بواحا عندكم من الله فيه برهان ) in aad aragtaan moogiye gaalnimoo cad – mid uu qarsanaayo ma ahan – (بواحا) sida uu Khaddaabi ku fasiraayo; waa wax aan la qarinyinin.

Marka kufriga bawaaxa ah oo iska cad aad aragtaan uun baad kula doodi kartaan, kuna qabsan kartaan madaxtinimadii. Oo iyadu ahlu-cilmigu shardi kale u sheegaan; oo ah, in awood loo leeyahay in ninkii meesha laga qaado iyadoo aanay ka dhalanaynin dhibaato ka wayn wixii la doonayay in la suuliyo; oo ummaddii xaggii diinkeeda iyo duunyadeedaba ah.

Waxaa marka xadiithkaas laga fahmaayaa in la adeecayo ninka madaxda ah, aanay ku xirnayn in aan xaqii annagu aan ku laheyn ka helno oo aduunyo ku saabsanaa. Ama ha noqoto xoolihii aan xaqqa ku lahayn ama maamulka iyo wixii ku saabsan. Oo haddii uu noo diido xaqqii aan lahayn in aan adeecno ayaa nalaga rabaa. Riwaayad uu Imaamu Axmad leeyahay waxay siyaadisay: (وإن رأيت أن لك ) aadba aragtidood ictiqaadisid in aad xaq ku leedahay arrinka, ama ka mudan tahay kan haysta.

Haddaba, malaha noocaas oo kale ah haka hor marin bay ku fasireen xadiithka; ee ninka adeec ilaa arrinku ku soo gaaro adiga oon daacadii ka bixin. Haddii madaxtinimadii lagu dhiibo qabo oo markaa xaqeeda sii. Lakiin in aad tiraahdid ma ahan: maxuu iigu dhiibi waayay oo aad kula dagaallanto; oo aad tiraahdid: waan baddalaynaa.

Riwaayad kale waxaa ku jirtay, (وإن أكلوا مالك وضربوا ظهرك ) nimankaas madaxda ahi xoolahaaga ha cunaan, dhabarkaagana ha garaacaan e.

عن عبادة بن الصامت عن النبي ρ قال: اسمع وأطع في عسرك ويسرك ومنشطك ومكرهك وأثره عليك وإن أكلوا مالك وضربوا ظهرك.<sup>(2)</sup>

Waxaa muslim ku wariyay xadiithkii Ummusalama in rasuulku yiri ρ:

« سَتَكُونُ أَمْرَاءُ فَتَعْرِفُونَ وَتُنْكِرُونَ فَمَنْ عَرَفَ بَرِيًّا وَمَنْ أَنْكَرَ سَلِمَ وَلَكِنْ مَنْ رَضِيَ وَتَابَعَ » . قَالَ : أَفَلَا نُفَاتِلُهُمْ قَالَ : « لَا مَا صَلَّوْا »<sup>(3)</sup>.

(سَتَكُونُ أَمْرَاءُ فَتَعْرِفُونَ وَتُنْكِرُونَ) ragga madaxda ah oo iman doona waxna waad ka garan doontaan oo waxaad arkaysaan iyadoo sharciga wax waafaqsan ku dhaqmaya, waxna waad ku inkireysaanoo iyadoo sharciga dhinac maraya ayaad arkaysaan. (فَمَنْ عَرَفَ بَرِيًّا وَمَنْ أَنْكَرَ سَلِمَ وَلَكِنْ مَنْ رَضِيَ وَتَابَعَ ع) haddaba qofkii arrinkaas ogaada baribuu ka noqdaa oo qalbigiisana ka inkira, kan

(2) - ظلال الجنة، باب في ذكر السمع والطاعة، 225/3.

(3) - صحيح مسلم، باب وجوب الإنكار 23/6.

inkirana waa badbaadaa, laakin waxaa dhib haystaa oo dambaaba qofkii xumaanta ku raaca, markaas bay waxay yiraahdeen (أَفَلَا نَقَاتِلُهُمْ) miyaannaan la dagaallamaynin maadaama ay khalad ku dhacayaan oo danbiyo waaweyn la imanayaan? Markaas buu wuxuu yiri (لَا مَا صَلُّوا) hala dagaallamina inta ay ka dukanayaan. Waa shardi labaad haddaba, xadiithkii (عبادة بن الصامت) waxaan ku aragnay in aan madaxtinnimada lagu qabsan in gaalnimo cad lagu arko mooyee. Xadiithka (أُمِّ سَلَمَةَ) wuxuu sheegayaa – inkastoo xumaan aan ku aragno nimankan madaxda ah – arrintu haddii ay gaalnimo gaarsiisnayn in aanan lala dagaallameynin, laakiinse shardi kale ayaa yimid meeshii "inta ay dukanaayaan" weeye. Oo salaaddii haddii ay ka tagaan iyadana, waa lagu qabsan karaa; laakiin shardigii hore oon sheegeynana meesha waa jiraa oo, waa in uu fasaad ka wayn aanu ka imaanayn meeshii.

**Muslim wuxuu ka wariyay (عَرَفَجَةَ) rasuulka ayaan maqlay oo dhahaya :**

« إِنَّهُ سَتَكُونُ هَنَاتٌ وَهَنَاتٌ فَمَنْ أَرَادَ أَنْ يُفَرِّقَ أَمْرَ هَذِهِ الْأُمَّةِ وَهِيَ جَمِيعٌ فَاضْرِبُوهُ بِالسَّيْفِ كَأَنَّا مَنْ كَانَ »  
 «(4)»

(فَمَنْ أَرَادَ) waxaa dhici doona waxyaabo aanan fiicnayn (إِنَّهُ سَتَكُونُ هَنَاتٌ وَهَنَاتٌ) qofkii doona in uu kala geeyo ummadan arinkeeda, (وَهِيَ جَمِيعٌ) iyadoo wada jirta, waa nin hoggaamiye ah oo muslim ah rabana in uu kala geeyo ummaddii (فَاضْرِبُوهُ بِالسَّيْفِ كَأَنَّا مَنْ كَانَ) seef ku garaaca qofkuu doonaba ha ahaadee. Sababta oo ah kala geynta ayaa ka dhib badan in ninkaas kaliya la dhowro oo qiimo loo yeelo.

**Waxaa kaloo rasuulka ka sugnaatay ρ in uu yiri :**

« مَنْ رَأَى مِنْ أَمِيرِهِ شَيْئًا يَكْرَهُهُ فَلْيَصْبِرْ فَإِنَّهُ مَنْ فَارَقَ الْجَمَاعَةَ شَبِيرًا فَمَاتَ فَمَيْتَةً جَاهِلِيَّةً »<sup>(5)</sup>

**Qofkii ninkii madaxda u ahaa ka arka wuxuu dhibsanaayo ha iska sabro buu yiri rasuulku ρ maxaa yeelay qof ma jiro jamaacadii faaruqay taakaba Allaha ka dhigee oo khilaafay oo saas ku dhinta; dhimashadiisu waxay noqotaa dhimasho jaahili ah.**

عن نافع قال: لما خلع أهل المدينة يزيد بن معاوية جمع ابن عمر حشمه وولده فقال: إني سمعت النبي ρ يقول:  
 (ينصب لكل غادر لواء يوم القيامة) . وإنا قد بايعنا هذا الرجل على بيع الله ورسوله، وإني لا أعلم غدرا

(4)- صحيح مسلم، باب حكم من فرق أمر ... 22/6.

(5)- صحيح مسلم، باب الأمر بلزوم الجماعة، 21/6 من حديث ابن عباس .

أعظم من أن يبيحَ رجل على بيع الله ورسوله ثم ينصب له القتال، وإني لا أعلم أحداً منكم خلعه ولا تابع في هذا الأمر إلا كانت الفيصل بيني وبينه<sup>(6)</sup>.

Waagii dagaalka "Xarra" uu ka dhacaayay Madiina, qolooyin baa Yaziid yiri madax-tinnimadiisa annagu ma-ogolin, waan la dagaallamaynaa, Ibnu Cumar ayaana ugu cilmi badnaa meesha, uguna fadhli badnaa, laakiin Ilaahay amarkiis warkiisa lama yeelin, markii warkiisa la yeeli waayayna, oo wixii uu soo daliiliyayna la qaadan waayay dhibkii dhacay waa la oгаа oo magaalada Madiina ka dhacay. In dadkiiba la baabi'iyay, oo ciidanki dowladdu boob u geysteen magaalada; oo dadkii ay aad u dhibtoodeen.

Markii arrinkaas uu arkay in dadkii dad kale la mubaayacoonayaan oo Yaziid na rabaan in ay ka takhallusaan, oo ay go'aansadeen arrinkaas; buu wuxuu u yeeray dadkii isaga xigtada u ahaa, iyo Ilmihiisii markaas buu ku yiri: waxaan maqlay rasuulka Ilaahay oo leh:

( ينصب لكل غادر لواء يوم القيامة ) Ninkasta oo khiyaanalow ah calan baa loo taagaa qiyaamaha, si ay dadku u arkaan ( وإنا قد بايعنا هذا الرجل ) ninkaan madaxda ah oo Yaziid la yiraahdo – waxaad ka fahmaysaa in uu leeyahay wax kastaba halaga sheegee – waxaan kula mubaayacoonnay ( على بيع الله ورسوله ) wuxuu ka wadaa kitaabka Allaah iyo Sunnada Rasuulka ayaan kula mubaayacoonnay ayuu leeyahay. ( من أن يبيع ) ( أعظم ) ka wayn ( وإني لا أعلم غدرا ) Khiyaamo ma ogi buu leeyahay ( ثم ينصب له القتال ) ( على بيع الله ورسوله ) in qof lala mubaayacoodo ( وإني لا أعلم أحداً منكم خلعه ) dagaal loogu labisto ( ولا تابع في هذا الأمر ) ama dadkan ku kacsan raaca ( إلا كانت الفيصل بيني وبينه ) taasi haddii ay dhacdo mas'aladii aannu ku kala go'i lahayn bay noqoneysaa, isma naqaan ayuu leeyahay.

Marka nusuus fara badan oo noocaas oo kale ah ayaa jirta, Madhabka Ahlu Sunnuhu waxa ay qabaan in dadka madaxda ah haddii ay wax dulmiyaan oo ay jowr sameeyaan, aanay daacadii saas ku weynayn; maadaama aanay la imaannin gaalnimo cad oo sida qorraxdii oo kale ah – oo xadiithkii Cubaada waad xusuusataan -

(6) - صحيح البخاري، باب إذا قال عند القوم 2603/6.

(وَأَنْ لَا نَنَازِعَ الْأَمْرَ أَهْلَهُ إِلَّا أَنْ تَرَوْا كُفْرًا بَوَاحًا عِنْدَكُمْ مِنَ اللَّهِ فِيهِ بُرْهَانٌ) - gaalnimo cad oo loo jeedo weeye, ma ahan wax uu qof jaahil ah iska ta'wiishado.

**Ninka Xajjaaj la yiraahdo waan garanaynaa, wuxuu ahaa nin aad u kharriban – waa ninka dilay Ibnu Zubeyr. Waxaa la dagaallamay ninka la yiraahdo Ibnu Ashcath iyo rag kale oo fara badan.**

**Saxaabadii markaa joogtay way inkireen dagaalka ay la galayaan ninkaas kharriban oo dhiigga daadiya. Ibnu Cumar waagaas xitaa wuu diiday in lala mubaayacoodo; wuxuu yiri aniga sababtay calaacal dhiig ah oo qof muslim ahi leeyahay loo daadin mayo, si kastaba arrintu ha ahaatee arintaas waxa ay ku dhammaatay waa la wada og yahay taariikhdee, ibnu Ashcath iyo raggii la socday oo aad u fara badnaa oo jeysh xoog leh ahaa waa la jabiyay oo waa laga adkaaday; dad far abadan buu ka dilay raggaas kuwa kalana wuu iska dhaafay.**

**Iyadoo sidaas ay tahay haddana Ahlu-Sunnihii ma aanay takfiirin ninkaas, mana aanay dhihin halagu khuruujo.**

**Abuu Usaama waxaa laga wariyay in nin sufyaan la joogay uu yiri:**

(أَتَشْهَدُ عَلَى الْحِجَاجِ وَعَلَى أَبِي مُسْلِمٍ الْخُرَاسَانِيِّ مِنْ أَمْرَاءِ الْجُورِ أَنَّهُمَا فِي النَّارِ)

**Sufyaanow: maka marqaati kacaysaa Xajjaaj iyo Abuu Muslim oo madaxda dulmiga badan ka mid ahaa in ay naar gelayaan, markaas buu sufyaan ka diidoo wuxuu yiri: ( لا، إن أقرأ بالتوحيد ) maya, hadday towxiidka qiraan naar ayaan ugu marag kici ha dhihin; naar buu illaa iyo illaa geli ha dhihin; waa wax Allaah gacantiisa ku jira taasi. Haddii Amiirku macsi ku faro, Ahlu-sunnuhu waxay qabaan, sunnaduna ay qabtaa, shakina aanu ku jirin in aan lagu adeecayn. Haddiise uu macruuf ku faro, in lagu adeeco ayaa waajib ah, waxa lagu diidayaahi waa macsi.**

– السمع و الطاعة حق على المرء المسلم فيما أحب أو كره ما لم يؤمر بمعصية فإذا أمر بمعصية فلا سمع عليه و لا طاعة<sup>(7)</sup>.

(السمع و الطاعة) ayuu yiri Rasuulku ρ yaa (حق) ku ah ( على المرء المسلم ) qofkii muslimka ahaa ( فيما أحب أو كره ) wixii uu jecel yahay iyo wixii uu dhibsanayaba ( ما لم يؤمر بمعصية ) haddii aan macsi la farin ( سمع عليه ) فإذا أمر بمعصية فلا سمع عليه ( و لا طاعة ) haddii qofkii macsi la faro samci iyo daaco kuma laha oo markaas ku adeeci mayo macsidii. haddaba macsidii ku adeeci maayo

(7)–(حم ق عق) عن ابن عمر . قال الشيخ الألباني : ( صحيح ) انظر حديث رقم : 3693 في صحيح الجامع.

macnaheedu ma aha in daacadii oo dhanba ay burayso; oo wixii kale oo macruuf ah oo mubaax ah ama daaca ah waa lagu adeecaayaa; macsida uun baan lagu adeecayn.

Waxaa marka aad laysugu khilaafay nimanka xukaamta ah ee hadda jooga, aad dadku u diideen in axkaamtaas ay qaataan. Ahlu-sunnaha muctabariinta ah iyo dadka ahlu cilmiga ahi waxay leeyihiin: ninka xaakimka ah hadduuba muslim yahay; oo shuruuddii laga hayo in la adeecaayo, salaaddiina wuu tukanayaa muslimna wuu yahay laakiin macaasi ayuu sameynaayaa; macaasidaas darteed iyo kabaa'irtaas uu samaynayo darteed diinka ayuu uga baxay daacana malaha dhihi maayaan.

Waxaa marka mushkilo ah, daacadii xukaamtii maamulaysana waa la diiday; waxaadna arkaysaa iyadoo jamaacooyin la samaystay, oo mararka qaarkood dad aan la aqoonninba ay xukumaan amaba magacooda bannaanka aan soo dhigi karin, oo haddana la leeyahay daacadoodu waa idinku waajib; haddii aad khilaaftaan sidaas iyo sidaas ayaa dhacaysa; waa nasiib darro taasi.

Ibnu taymiyah kitaabkiisa Minhaaj Assunnah wuxuu ku leeyahay:

إن النبي ρ أمر بطاعة الأئمة الموجودين المعلومين الذين لهم سلطان يقدرون به على سياسة الناس لا بطاعة معدوم ولا مجهول ولا مَنْ ليس له سلطان ولا قدرة على شيء أصلاً<sup>(8)</sup>.

Nabigu ρ wuxuu dadka faray in ay adeecaan nimankii madaxda ahaa ee joogay ee la garanaayay ee lahaa awood ay wax ku maamulaan. Rasuulku ρ ma aanu farin in ay adeecaan nin aan joogin – waa sida shiicada oo kale – ( ولا مجهول ) nin aan la aqoonnin wax qudra ( ولا قدرة على شيء أصلاً ) iyo qof aan awood lahayn ( ولا من ليس له سلطان ) ah aanay jirin, in layska caleema saarto oo la yiraa ninkaas ayay daacadiisu nagu waajibtay ma aha; taasi marka ma bannaana.

Haddaba, waxyaalihii caamka ahaa; oo ummadda maslaxadeedii ay ku jirtay; oo ay iyagu tartiibinayeen; sharcigana aan khilaafsanayn, in lagu waafaqaa iyaduna waa mashruuc. Haddaba wixii bannaan ama sunna ah daacadoodu iguma waajibto la dhihi mayo.

Haddii Allaah uu noo sahlo nin madax ah, oo arkaantii iyo shuruuddii imaamada laga helay, in la ictiqaadiyo inuu beeco kugu leeyahay oo daacadiisu waajib kugu tahay in aad rumayso ayay sunnadu faraysaa.

Laakiinse ma aha in uu qofku markii horaba hawadiisa uu raaco, ama caqlaani iska yahay oo ra'yigiisa kaliya ku socdo; uu leeyahay aniga ninkii I cajabiyana waan adeecayaa, haddii kalana dagaal bay noo tahay, taasi ma aha mid sunnada waafaqsan.

Rasuulku ρ waxuu ku leeyahay xadiithkii Cowf ibn Maalik alAshjaci uu wariyay:

>أَلَا مَنْ وَلِيَ عَلَيْهِ وَالٍ فَرَأَهُ يَأْتِي شَيْئًا مِنْ مَعْصِيَةِ اللَّهِ فَلْيُكْرِهْ مَا يَأْتِي مِنْ مَعْصِيَةِ اللَّهِ وَلَا يَنْزِعَنَّ يَدًا مِنْ طَاعَةٍ»<sup>(9)</sup>.

Qofkii uu nin madax u noqdo, oo arka ninkii madaxda ahaa oo macsi la imaanaya, macsida ha noco, lakiinse daacadii yuusan ka bixin.

عن أبي سلام قال : قال حذيفة بن اليمان قلت يا رسول الله إنا كنا بشر فجاء الله بخير فنحن فيه فهل من وراء هذا الخير شر؟ قال ( نعم ) قلت هل من وراء ذلك الشر خير؟ قال ( نعم ) قلت فهل من وراء ذلك الخير شر؟ قال ( نعم ) قلت كيف؟ قال ( يكون بعدي أئمة لا يهتدون بهدائي ولا يستنون بسنتي ، وسيقوم فيهم رجال قلوبهم قلوب الشياطين في جثمان إنس ) قال: قلت: كيف أصنع يا رسول الله إن أدركت ذلك؟ قال : (تسمع وتطيع للأمر، وإن ضرب ظهرك وأخذ مالك، فاسمع وأطع)<sup>(10)</sup>.

Waxaa kaloo Muslim uu wariyay Xudeyfa ibnu alyaman uu ka wariyay in uu Rasuulku yiri ρ : niman baa imaan doona gadaashey oo aan hanuunkeygii ku dhaqmaynin, oon sunnadayda qabsanaynin, ragbaana ka dhex istaagi doona qalbiyadooduna qalbiyo shaydaan ay yihiin laakiin dadka jirkoodii leh, markaas buu wuxuu yiri: maxaan sameeyaa haddii taasi i qabsato? Rasuulku ρ wuxuu yiri : (تسمع وتطيع للأمر ) ninkii madaxda ahaa yaad adeecaysaa oodna maqlaysaa, ( وإن ضرب ظهرك وأخذ مالك فاسمع وأطع ) yacnii dhabarkaagaba ha garaacee xoolahaagana ha qaatee daacaa lagaa rabaa ayuu yiri Rasuulku ρ

Ibnu taymiyah wuxuu lee yahay :

وأما ما يقع من ظلمهم وجورهم بتأويل سائغ أو غير سائغ فلا يجوز أن يزال لما فيه من ظلم وجور كما هو عادة أكثر النفوس تزييل الشر بما هو شر منه وتزييل العدوان بما هو أعدى منه. فإخروج عليهم يوجب من الظلم والفساد أكثر من ظلمهم فيصبر عليه كما يصبر عند الأمر بالمعروف والنهي عن المنكر على ظلم المأمور والمنهي في مواضع كثيرة كقوله : (وأمر بالمعروف وانه عن المنكر واصبر على ما أصابك) وقوله: (فاصبر كما صبر أولوا العزم من الرسل) وقوله: (فاصبر لحكم ربك فانك بأعيننا)<sup>(11)</sup>.

(9)- صحيح مسلم، باب خيار الأئمة وشرارهم 24/6.

(10)- صحيح مسلم، باب وجوب ملازمة الجماعة 1475/3.

(11)- مجموع الفتاوى، باب الأمر بالمعروف والنهي عن المنكر، 179/28.

Dulmiga madaxda in loo sabro waa ( من أصول أهل السنة والجماعة ) waa asal usuusha ahlu-sunna wal-jamaaca ka mid ah ayuu yiri, maxaa laga faa'iidi taas? Waxaa laga faa'iidayaa masaa'il farabadan ayaa ku imaanaysa. Ibnu taymiyah wuxuu leeyahay: waxa dulmigooda ama jowrkooda oo dhacaya, ta'wiil maqbuula haku sameeyaan ama mid aan maqbuul ahayne, ma bannaana in la zuuliyo oo la yiraahdo waan ka takhalusaynaa nimankan si aan dulmiga uga takhalusno; marka iyada lafteeda ayaa dulmi ah sida dadka badankood caadadoodu ay tahay ( تزييل الشر بما هو شر منه ) sharta dadku waxay ku zuuliyaan mid kasii daran ( وتزييل العدوان بما هو أعدى منه ) xadgudubkana waxay ku zuuliyaan mid kasii daran.

Sheekhu wuxuu leeyahay: ( فالخروج عليهم يوجب من الظلم والفساد أكثر من ظلمهم ) ninkii madaxda ahaa in lagu khuruujo waxaa ka dhasha dulmi iyo fasaad ka daran midkii ay iyagu samaynayaan.

( فيُصبر عليه كما يصبر عند الأمر بالمعروف والنهي عن المنكر على ظلم المأمور والمنهي في مواضع كثيرة ) waa la isaga dulqaataa sida qofka aad macruufka farayso xumidana ka reebeeyso hadduu xoogaa dulmi ah la yimaado iyo wax aan munaasab ahayn meelaha qaarkood loogu dulqaadanayay.

Arrintu si kastaba ha ahaatee, axaadiithii waa taas, nusuustii a'immaduna waa taas, arrin aad u xun oo weliba kufri ah oo ( القول بخلق القرآن ) ah, markii ay dhacday, Imaamu Axmad waa loo yimid waxaa la yiri : Imaam Axmadow annagu waxaannu kuugu nimid in aan ku war gelinno nimankan aan rabno in aan la dagaallanno, maxaa yeelay ilmaheenni ayaan u baqaynaa oo Islaamkeenni baa baaba'aaya, hadaanay ilmihii maqal xaqii oo baadilkan kaliya ay ku barbaaraan, marka imaamu Axmad wuu ka diiday, wuxuuna yiri : Islaamku waa diin, Allaana diinkiisa u gargaaraya; oo diinku wuxuu leeyahay Rabbi u gargaara, kama aanu yeelin arrintii. Arrintu si kastaba ha ahaatee, Allaah ummaddii waa ku dhowray taa, oo waxaad og tihiin markii arrintiisii ay qaateen kadib ninkii madaxda ahaa waa uu dhintay, mid kalaa yimid; nin macquul ah ayuu noqday; oo sunnadii u gargaara.

Marka Imaam Axmad dagaal ayuu ka digay oo wuxuu yiri: (الدماء ال دماء) anigu dhiig daadiya idin ma lihi waana idinkaga digayaa. Wuxuu yiri : in aad ku sabartaan yaa idiin wanaagsan, oo qlabiga aad ka inkirtaan (وَلَا) daacada imaamka ha ka bixina, muslinkana ha kala geynina.

( وَلَا تَسْفِكُوا دِمَاءَكُمْ وَدِمَاءَ الْمُسْلِمِينَ مَعَكُمْ ) dhiigiinna iyo dhiigga muslimiinta hadaadinnina ayuu yiri (وَأَنْظُرُوا فِي عَاقِبَةِ أَمْرِكُمْ) cirib danbeedka arrinkiinna bal

fiiriya; oo ka feker, (وَاصْبِرُوا) iskana sabra (حَتَّى يَسْتَرْيِحَ بَرٌّ) ilaa uu ka raaxeysto nin baariya oo wanaagsan (أَوْ يُسْتَرْاحَ مِنْ فَاجِرٍ) ama kii faajirka ahaa laga raaxeysto – in uu iska dhintaaba dhici karta. – (وَقَالَ لَيْسَ هَذَا صَوَابًا) kaasi sax ma aha ayuu yiri; in aad ninkan ka takhallustaan oo tiraahdaan waan ku khuruujaynaa <sup>(12)</sup> (هَذَا) (خِلَافَ الْآثَارِ) axaadiithii waxa ay na faraysay arinkani waa uu khilaafsan yahay, marka kama aanu yeelin Imaamu Axmad.

Mas'aladu waa mas'alo axaadiithii sidaas ugu cad, culumada islaamkuna caqiidadooda ay ku soo dareen, axaadiithteeduna ay mutawaatir tahay oo aanu shaki ku jirin. Haddaba ictiqaadka noocaas oo kale ah in uu qofku ictiqaadiyo ayaa loo baahan yahay; oo aanu iska ictiqaadin, ictiqaadkii khawaarijta; oo aanu qofku dhihin ninkii sida aan rabno aan ahayn; shuruudaha aan rabnay annaguna aan la imaannin daagaal bay noo joogtaa marwalba, ee waa in uu ka feker maslaxada muslimiinta ee guud, iyo waxa wanaaga ee laga heli karo markii fitanka la iska dhafo iyo diinka ku baaqi noqonaaya; oo dadkii Allahahoodii caabudaayaan; oo danahoodii qabsanaayaan. (وبالله التوفيق).